

اتوار 11 جنوری، 2026

مضمون۔ ساکرامنٹ

سنہری متن: عبرانیوں 4 باب 14 آیت

”ایس لئی جد ساڈا جیہا وڈھا سردار کاہن اے جیہڑا اسماناں وچوں لنگ گیا یعنی رب داپتر یسوع تے آؤ اسی اپنے اقرار وچ قائم رہے۔“

جوابی پڑھائی: عبرانیوں 5 باب 1، 2، 5 توں 9 آیتاں

- 1- کیوں جے ہر سردار کاہن بندیاں وچوں چنیا جا کے بندیاں لئی ای اوہناں گلاں واسطے مقرر کیتا جاندا اے جیہڑا رب نال تعلق رکھیاں نیں تاں جوں نذراں تے پاپاں دیاں قربانیاں چڑھاوے۔
- 2- تے اوہ بیوقوفان تے گمراہاں نال نرمی نال پیش آؤن دے قابل ہندا اے ایس لئی پئی اوہ آپ وی کمزوری داشکار ہندا اے۔
- 5- ایسے طراں مسیح نے وی سردار کاہن ہوون دی بزرگی اپنے آپ نوں نئیں دتی بلکہ اوہنے ای دتی جسے اوہنوں آکھیا سی پئی توں میراپتراں۔ اج توں میتھوں جمیاں ایں۔
- 6- ایس لئی اوہ دوجی تھاں تے وی آکھدا اے پئی توں ملکِ صدق دا ہمیشہ تیکر دا کاہن ایں۔
- 7- اوہنے اپنی انسانیت دے دناں وچ زور زور نال پکار کے تے اتھر وگا وگا کے اوہدے توں ای دعاواں تے التجاواں کیتیاں جیہڑا اوہنوں موت توں بچا سکدا اسی تے رب دے رحم پاروں اوہدی سنی گئی۔

- 8- تے پتر ہون دے باوجود اوہنے دکھ سہہ سہہ کے فرمانبرداری سکھی۔
- 9- تے کامل بن کے اپنے سارے فرمانبرداراں لئی ہمیشہ دی مکتی دا وسیلہ بنیا۔

درسی وعظ

بائبل وچوں

1- استثناء 11 باب 13 توں 21 آیتاں

- 13- تے جے تسی میرے حکماں نوں جیہڑے اج میں تہانوں دیناں واں تے اپنے سارے دل تے اپنی ساری جان نال اوہدی بندگی کرو۔
- 14- تے میں تہاڈے ملک وچ عین ویلے سر پہلاں تے پچھلا مینہ ورہاں گاتاں جو توں اپنا غلہ تے مے تے تیل اکٹھا کر سکیں۔
- 15- تے میں تیرے ڈنگراں لئی میدان دی کاہ پیدا کراں گاتے توں کھانویں گاتے رجھیں گا۔
- 16- ایس لئی توں خبردار رہیں پئی اینج نہ ہووے کہ تہاڈے دل دھوکہ کھان تے تسی بہک کے ہور معبوداں دی عبادت تے پرستش کرن لگ جاو۔
- 17- تے خداوند دا غضب تہاڈے اُتے بھڑکے تے اوہ آسمان نوں بند کر دیوے تاں جو مینہ نہ ورھے تے دھرتی اُتے کچھ پیداوار نہ ہووے تے تسی ایس چنگے ملک وچ جیہڑا خداوند تہانوں دیندا اے فنا ہو جاو۔

- 18- ایس لئی میریاں ایہناں گلاں نوں تسی اپنے دل تے اپنی جان وچ محفوظ رکھیو تے نشانی دے طور تے ایہناں نوں اپنے ہتھ اُتے بندھیو تے اوہ تہاڈے متھے اُتے ٹکیاں وانگر ہوون۔
- 19- تے تسی ایہہ اپنے منڈیاں نوں سکھائیو تے تسی گھر بیٹھے تے راہ ٹردیاں تے اٹھن ویلے ایہناں دا ای ذکر کر یو۔
- 20- تے تسی ایہناں نوں اپنے گھر دیاں چوگاٹھاں اُتے تے اپنے پھاٹکاں اُتے لکھیو۔
- 21- تاں جو جد تیکر دھرتی اُتے آسمان دا پرچھانواں اے تہاڈی تے تہاڈی اولاد دی عمر اوس ملک وچ ودھ جاوے جنہوں خداوند نے تہاڈے پیو دادے نوں دین دی قسم اوہناں نال کھادی سی۔

2- متی 26 باب 17 توں 19، 26 توں 29 آیتاں

- 17- تے عیدِ فطیر دے پہلے دن چیلیاں نے یسوع دے کول آکے آکھیا توں کتھے چاؤناں پئی اسی تیرے لئی فسخ کھان دی تیاری کرینے؟
- 18- اوہنے آکھیا شہر وچ فلاں بندے دے کول جا کے آکھنا استاد آکھدا اے پئی میرا ویلہ نیسٹے اے۔ میں اپنے چیلیاں دے نال تیرے ول عیدِ فسخ کراں گا۔
- 19- تے جیویں یسوع نے چیلیاں نوں حکم دتا سی اوہناں نے اونج ای کیتا تے فسخ تیار کیتی۔
- 26- جدوں اوہ کھارہے سی تے یسوع نے روٹی لئی تے برکت دے کے توڑی تے چیلیاں نوں دے کے آکھیا لوو کھاؤ۔ ایہہ میرا بدن اے۔
- 27- فیر پیالہ لے کے شکر کیتا تے اوہناں نوں آکھیا تسی سارے ایسہ دے وچوں پیو۔
- 28- کیوں جے ایہہ میرا اوہ عہد والا لہو اے جیہڑا ہتھیاریاں لئی پاپاں دی معافی لئی وگایا جاندا اے۔
- 29- میں تہانوں آکھداں واں پئی انگور دا ایہہ شیرا فیر کدی نہیں پیواں گا۔ اوس دن تیکر پئی تہاڈے نال اپنے پیو دی بادشاہی وچ نواں نہ پیواں۔

3- متی 28 باب 19، 20 آیتاں

- 19- بس توں جا کے ساری قوماں نوں چیلانا بناتے اوہناں نوں باپ تے بیٹے تے روح القدس دے نام نال بپتسمہ دو۔
- 20- تے اوہناں نوں ایہہ علم دو پئی اوہ ساری گلاں اُتے عمل کرن جہاں دا میں تینوں حکم دیتا تے ویکھو میں دنیا دے آخر تیکر تیرے نال واں۔

4- اعمال 5 باب 12، 14، 23، 25 توں 32 آیتاں

- 12- تے رسولاں دے ہتھوں وچوں بوہت سارے نشان تے عجیب کم لوکاں وچ ظاہر ہندے سی۔ تے اوہ سارے اک دل ہو کے سلیمان دے برانڈے وچ اکٹھے ہندے سی۔
- 14- تے ایمان لیان والے مرد تے عورتاں خداوند دی کلیسیا وچ ہو روی کثرت نال آملے۔
- 15- ایہتھے تیکر پئی لوک بیماراں نوں سڑکاں تے لیا لیا کے تے کھٹولیاں اُتے لمے پادیندے سی تاں جو جودوں پطرس آئے تے اوہدا پر چھانواں ای اوہناں وچوں کسے اک اُتے پے جاوے۔
- 16- تے یروشلیم دے چاروں پاسے دے شہراں توں وی لوک بیماراں تے ناپاک روحواں دے ستائے ہوئیاں نوں لیا کے جیہڑے کثرت نال اکٹھے ہندے سی تے اوہ سارے چنگے کیتے جانڈے۔
- 17- فیر سردار کاہن تے اوہدے سارے ساتھی جیہڑے صدوقیاں دے فرقے دے سی سڑن دے پاروں اُٹھے۔
- 18- تے رسولاں نوں پھڑکے عام حوالاں وچ رکھ دتا۔
- 19- پر خداوند دے فرشتے نے رات نوں قید خانے دے بوہے کھول دتے تے اوہناں نوں باہر کڈھ کے آکھیا پئی۔

- 20- جاؤ ہیگل وچ کھلو کے ایس حیاتی دیاں ساریاں گلاں لوکاں نوں سناؤ۔
- 21- اوہ ایہہ سن کے سویر ہندیاں ای ہیگل وچ گئے تے تعلیم دین لگے پر سردار کاہن تے اوہدے ساتھیاں نے آکے صدر عدالت دے لوکاں نوں تے اسرائیل دے سارے بزرگاں نوں اکٹھا کیتا تے قید خانے وچ سنیہاں گھلپائی اوہناں نوں لیاؤ۔
- 22- پر پیادیاں نے اڑ کے اوہناں نوں قید خانے وچ نہ دیکھیا تے پرت کے ایہہ خبر دتی۔
- 23- پئی اسی تے قید خانے نوں بوہت حفاظت دے نال بند کیتا ہو یاسی تے پہرے والیاں نوں بوہے اُتے کھڑے دیکھیا پر جد کھولیا تے اندروں کوئی نہ ملیا۔
- 25- ایہنے وچ کسے نے آکے اوہناں نوں سنیہاں دتا پئی دیکھو۔ اوہ بندے جنہاں نوں تسی قید کیتا سی ہیگل وچ کھلوتے لوکاں نوں تعلیم دے رہے نیں۔
- 26- تدر سردار پیادیاں نوں نال لے جا کے اوہناں نوں لے آیا پر زبردستی نیں کیوں جے اوہ لوکاں توں ڈردے سی پئی ساہنوں سنگسار نہ کرن۔
- 27- فیر اوہناں نوں لیا کے عدالت وچ کھڑا کیتا تے سردار کاہن نے اوہناں نوں ایہہ آکھیا۔
- 28- پئی اسی تہاںوں سختی نال آکھیا سی پئی ایہہ ناں لے کے تعلیم نہ دیو پر دیکھو تسی سارے یرو شلیم وچ ایہہ تعلیم پھلا چھڈی اے تے اوس بندے دا خون ساڈے سر پانا چاہندے او۔
- 29- پطرس تے رسولاں نے جواب وچ آکھیا پئی ساڈے اُتے بندیاں دے حکم نالوں رب دا حکم مننا بوہتا فرض اے۔
- 30- ساڈے پیو دادے دے رب نے یسوع نوں جوایا جنہوں تسی سولی اُتے ٹنگ کے مار دتا۔
- 31- اوہنوں ای رب نے مالک تے منجی آکھ کے اپنے سچے ہتھ نال اچا کیتا تاں جو اسرائیل نوں توبہ دی توفیق تے پاپاں دی معافی دتی جاوے۔
- 32- تے اسی ایہناں گلاں دے گواہواں تے پاک روح وی جنہوں رب نے اوہناں نوں دتا اے جیہڑے اوہدے حکم من دے نیں۔

5- رومیوں 6 باب 16 توں 18 آیتاں

16- کیہ تسی نئیں جان دے پئی جیدی وفاداری لئی اپنے آپ نوں غلاماں وانگر حوالے کر دیندے او اوہدے ای غلام او جیدے فرمانبردار او بھانویں پاپ دے جید انجام موت اے تے بھانویں فرمانبرداری دے جید انجام راستبازی اے۔

17- پر رب دا شکر اے پئی بھانویں تسی پاپ دے غلام سی فیروی دلوں اوہدی تعلیم دے فرمانبردار ہو گئے جیدے سانچے وچ تسی ڈھالے گئے سی۔

18- تے پاپ توں آزاد ہو کے راستبازی دے غلام ہو گئے۔

سائنس تے صحت

1- 183:21-25

الہی سیان جائز طور تے انسان دی پوری فرمانبرداری، پیار تے طاقت دی مانگ کر دی اے۔ ایہدے توں گھٹ وفاداری لئی کوئی تحفظ نئیں رکھے جاندے۔ سچائی دی تابعداری انسان نوں طاقت تے قوت عطا کر دی اے۔ غلطی نوں حوالگی طاقت دا گھانا پین نوں ودھا دیندی اے۔

2- 4:3-6، 27-30

صبر، حلیمی، پیارتے نیک کماں وچ ظاہر ہوون والے فضل وچ ترقی کرن دی پُر جوش تاہنگ لئی ساہنوں دعا کرن دی لوڑاے۔ اپنے استاد دے حکماں اُتے عمل کرنا تے اوہدے نمونے اُتے ٹرنا ساڈے اُتے اوہدا ٹھیک قرض اے تے جو کجھ اوہنے کیتا اوہدی شکر گزاری دا کلاہ چنگا ثبوت اے۔ وفاداری تے دلی شکر گزاری نوں ظاہر کرن لئی باہر والی عبادت اپنے آپ وچ ای کافی نہیں اے، کیوں جے اوہنے آکھیا، ”جے تسی میرے نال پیار کر دے او تے میرے حکماں اُتے عمل کرو۔“

ہمیشہ چنگے بنے رہن دی عادی کوشش ہمیشہ دی دعا اے۔ اوہدے مقصد اوہناں برکتاں توں ظاہر ہندے نیں جیہڑیاں ایہہ لیاوندی اے، اوہ برکتاں جنہاں نوں جے ناقابل سماعت لفظاں وچ وی نہ سنیا جاوے، تے محبت دے نال حصہ دار بنن لئی ساڈی قابلیت دی تصدیق کردیاں نیں۔

سنن دے قابل دعا کدی وی روحانی فہم دے کم نہیں کر سکی، جیہڑی نویں سرے توں جمی اے؛ بلکہ خاموش دعا، چوکسی تے دیندار فرمانبرداری ساہنوں یسوع دے نمونے مگر ٹرن دے قابل بناؤندی اے۔

3- 27-32

پرانے روم وچ اک سپاہی لئی اپنے جرنل دے نال وفادار ہوون دا عہد کرنا ضروری ہندا سی۔ ایس عہد لئی لاطینی لفظ ساکرامینٹم سی، تے ساڈا انگریزی دالفظ ساکرامنٹ ایس دے وچوں ای لیا گیا اے۔ یہودیوں وچ ایہہ پرانی روایت سی پئی دعوت کرن والا مالک ہر بندے نوں مے داپیالہ دیندا سی۔ پر یوخرست کسے رومی سپاہی دے حلف دی یادگاری نہیں سی تے نہ ای مے سی، جیہڑی اکٹھ دے موقعیاں وچ تے یہودی رسماں وچ ورتی جانندی سی، یعنی ساڈے خداوند داپیالہ

سی۔ پیالہ اوہدے تلخ تجربے نون ظاہر کردالے، یعنی اوہ پیالہ جیدے لئی اوہنے دعا منگی پئی اوہ اوہدے تون ٹل جاوے، حالانکہ اوہ الہی حکم دی پاک سپردگی وچ جھٹک گیا سی۔

”جدوں اوہ کھارہے سی تے یسوع نے روٹی لئی تے برکت دے کے توڑی تے چیلیاں نون دے کے آکھیا لو وکھاو۔ ایہہ میرا بدن اے۔ فیہ پیالہ لے کے شکر کیتا تے اوہناں نون دے کے آکھیا تے سارے ایہدے وچوں پیو۔“

جے ایس ساکرامنٹ نون روٹی تے مے نون ورتن نال محدود کردتا جاوے تے اصلی جوہر روحانی طور تے ختم ہو جاندا اے۔ چیلیاں نے روٹی کھائی سی، فیروہ یسوع نے دعا کر کے اوہناں نون روٹی دتی۔ ظاہری لحاظ نال ایہہ شاید بیوقوفی والی گل ہووے، پر ایہدے روحانی مفہوم وچ ایہہ فطری تے خوبصورت گل سی۔ یسوع نے دعا کیتی، اوہنے ہور روشن، ہور روحانی خیالاں دے نال اپنے دل نون تازہ دم کرن لئی مادی حساں تون لیا۔

4 - 31-9:33

اوہ سارے جیہڑے یسوع دی یادگاری وچ روٹی کھاندے تے مے پیندے نیں اوہ اصل وچ اوس پیالے تے اوس صلیب وچوں ونڈن لئی تے مسیح دے اصول دی خاطر سب کجھ چھڈن لئی راضی نیں؟ تے فیہ ایس الہام نون اک مردہ رسم نال کیوں منسوب کیتا جاندا اے بجائے کہ غلطی نون دور کردیاں ہوئے تے بدن نون ”پاک تے رب لئی قبول کرن دے قابل“ بناؤندے ہوئے، ایہہ دکھایا جاوے پئی سچائی دا فہم ملیا ہو یا اے؟ جے مسیح، سچائی اظہار وچ ساڈے کول آیا اے تے کسے دو جی یادگاری دی لوڑ نیں اے، کیوں جے اظہار اعمانویں یارب ساڈے نال اے؛ تے جے کوئی دو جا ساڈے نال اے تے اوہدی یادگاری مناؤن دی کیہ لوڑ اے؟

5 - 28-35:18

سارے شاگرد اپنے تجربات دے رہے ہیں اور روحانی بننے کے لیے تھیک طرح سے سمجھے جو مالک نے سکھایا ہے۔ اور حاجی اٹھنا اور ہناں حاجی اٹھنا وی سی۔ اوہنے اوہناں دی تے دو جے لوکاں دی روحانی بے حسی تے بوہت زیادہ امکانات دے خیالاں وچ رباتے انھے بھروسے توں جگایا۔ اوہناں نوں ایس ارتکاز دی لوڑ سی کیوں جے بوہت چھیتی اوہناں دا مالک حقیقت دے روحانی دائرے وچ دوبارہ جی اٹھن، تے اوہناں دی سوچ توں وی کتے اچا چکیا جان والا ہووے گا۔ اوہدی وفاداری دے اجر وچ، اوہ مادی حس لئی ایس تبدیلی وچ غائب ہو جاوے گا جنہوں معراج آکھیا جاندا ہے۔

6- 19:35 (ساڈا پتسمہ)۔ 29

ساڈا پتسمہ ساری غلطی توں ساڈی پاکیزگی ہے۔ ساڈی کلیسیا الہی اصول، محبت اُتے قائم ہے۔ اسی ایس کلیسیا وچ بس روح وچ نومولود ہندیاں ہوئے اکٹھے ہو سکدے آں، جدا اسی محبت دے پھل لاؤندیاں ہوئے، غلطی نوں کڈھدیاں ہوئے تے بیماراں نوں شفا دیندیاں ہوئے اوس حیاتی تیکر اپڑدے آں جیہڑی سچائی ہے تے اوس سچائی تیکر اپڑدے آں جیہڑی حیاتی ہے۔ ساڈا پتسمہ اک رب دے نال روحانی شراکت ہے۔ ساڈی روٹی ”جیہڑی آسمان توں اتردی ہے،“ سچائی ہے۔ ساڈا پتسمہ صلیب ہے۔ ساڈی مے یعنی اوہ مے جیہڑے ساڈی مالک نے پتی تے اپنے پیروکاراں نوں وی ایسدا حکم دتا، محبت دا الہام ہے۔

7- 31-16:37

یسوع دا اقرار کرن والے اوہدے پیروکار اوہدیاں راہواں مگر ٹرنا تے اوہدے وڈھے کماں دی نقل کرنا کدوں سکھن گے؟ اوہ لوکی جنہاں نے اوس نیک بندے دی شہادت حاصل کیتی اوہ خوش دلی نال اوہدے پاک مستقبل نوں اک نیست کیتی ہوئی نظر پاتی تھیں وچ بدل دین گے۔ رب کرے پئی آج دے مسیحی ایس چال چلن دی ہووے عملی اہمیت نوں

بائبل دا ایہہ سبق پلین فیلڈ کرسچن چرچ، آزادولوں تیار ہو یا۔ ایہہ کنگ جیمز بائبل ویاں آیتاں تے میری ٹیکر ایڈی دی لکھی ہوئی کرسچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

منن! ایہہ ممکن اے، ہاں اے ہر بچے، مردتے عورت دی ذمہ داری تے حق اے پئی اوہ حیاتی تے سچائی، صحت تے پاکیزگی دے اظہار دے پاروں مالک دے نمونے دی کسے حد تیکر پیروی کرن۔ مسیحی لوکی اوہدے پیروکار ہون دا دعویٰ تے کردے نیں پر کیہ اوہ اوہدے مگر اوسے طرح ٹردے نیں جیویں اوہنے حکم دتا اے؟ ایہناں لازمی حکماں نوں سنو: ”ایس لئی چاہیدا اے پئی تسی کامل ہوو جیویں تہاڈا اسمانی پیو کامل اے!“ ”تسی سارے جگ وچ جا کے پوری خلقت دے سامنے انجیل دی منادی کرو!“ ”بیمار نوں شفا دیو!“

8 - 17:54:15

اوہدے الہی اختیار دی گواہی وچ، اوہنے ایہہ ثبوت فراہم کیتا پئی حیاتی، سچائی تے محبت بیمار تے پاپی نوں شفا دیندے نیں تے عقل دے پاروں نہ کہ مادے دے پاروں موت اُتے فتح پاؤندے نیں۔ الہی محبت دا ایہہ سب توں اچا ثبوت سی جیہڑا اوہ پیش کر سکدا سی۔

9 - 26:55:15

سچائی دا لافانی نظریہ، اپنے پرانے بیٹھاں بیماراں تے پاپیاں نوں کٹھیاں کر دیاں ہوئے، صدیاں دا احاطہ کر رہیا اے۔ میری خستہ حال امید اوس خوشی دے دن دا احساس دلاؤن دی کوشش کر دی اے، جدوں انسان مسیح دی سائنس نوں سمجھے گا تے اپنے گوانڈی نال اپنے وانگر پیار رکھے گا، جدوں اوہ ایہہ جانے گا پئی رب قادر مطلق اے تے جو کجھ اوہنے انسان لئی کیتا اے تے کر رہیا اے اوہدے وچ الہی محبت دی شفاء تے طاقت نوں جانے گا۔ وعدے پورے کیتے جان گے۔ الہی شفا دے دوبارہ ظاہر ہون دا ویلہ ہر ویلہ ہندا اے؛ تے جو کوئی وی اپنا دھرتی والا سب کجھ الہی سائنس دی الطرا تے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا دی طاقت نال ملبوس ہندا اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔